

续资质通鉴长编

續貴州通志卷之四

續資治通鑑長編卷一百四十四

宋 李燾 撰

仁宗

慶厯三年冬十月乙未朔右諫議大夫知江甯府劉沆

為龍圖閣直學士知潭州經制蠻事也沆兼安撫使乃

未也傳卽并言之今不取然會要亦云是年

丙申詔利州路轉運司如聞羣盜入金州劫居民其令

梁洋二州出兵邀擊之

丁酉步軍副都指揮使感德軍留後李昭亮為真定府

定州路都部署諫官歐陽修言伏見朝廷自河東移

李昭亮為真定都部署臣竊以敵人險詐必與國家為

患北鄙之事常須有備此一事陛下聖心久自憂之執

政大臣非不知而憂之天下之人共爲朝廷憂之李昭
亮不材不可爲將帥不可委兵柄此一人陛下聖心久
自知之執政大臣非不知之天下之人亦共知之不審
因何遽有此命大凡朝廷行事不當者或爲小事而忽
略容有不知致誤施行而致乖錯者有矣未有以天下
大可憂患而上下共知之事公然乖謬任以非人如此
者臣料兩府之議必因施昌言等近奏三路闕部署而
目下無人以昭亮塞請而欲徐別選擇不過如此而已
然臣竊見朝廷作事常患因循應急則草草且行纔過
便休不復留意只如差郭承祐於鎮定尋以非才罷之
以康德輿爲鈐轄闕卻部署一職本待徐擇其人臣初
喜朝廷必能自此精於選擇經今數月何曾用意求人

一旦昌言奏來又遣昭亮且去今平時無事之際尙如此不能選人任用若一旦倉黃事動更於何處求人故臣謂朝議欲徐擇人而代昭亮者乃虛語爾方今天下至廣不可謂之無人但朝廷無術以得之爾甯用不材以敗事不肯勞心而擇材事至憂危可爲慟哭臣思朝廷所以乏任用之弊蓋爲依常守例須用依資歷級之人不肯非次拔擢所以無人可用古人謂勞於擇賢逸於任使今人旣難得而求之又不勤待其自來復何可得臣累曾上言練兵選將之法未賜施行又曾言乞於沿邊十數州且選州將亦不蒙聽納甯可公選不材之人委以大兵之柄一旦誤事悔之何及伏望聖慈出於睿斷其昭亮早令兩府擇人替換及早講求選將之法

若大將難卒然而得卽乞於沿邊州軍選擇州將近下
資淺人中庶乎易得昨北使姓名稍遲數日中外之士
已共憂疑今幸其未動之間宜作先時之備兵法曰無
恃其不來恃吾有以待之惟陛下爲社稷之計深思行
之則天下幸甚修論軍中選將
劄子或可附此北作坊使封州刺史
康德輿爲并代鈐轄兼知代州樞密院言諸路知州
帶提舉兵甲盜賊處若無才力及弛慢昏耄者請擇兩
省以上或嘗厯轉運使提點刑獄官代之仍令體量所
屬都監巡檢縣尉等不任事者以名聞從之知光化
軍韓綱性苛急不能拊循士卒時羣盜張海等剽劫至
境上綱帥宣毅軍三百人被甲乘城凡十餘日在城中
富民具酒食犒軍綱輒收其半質錢以市兵器軍士營

遠者或不時得飲食而綱所給餅餌常至日旰且乾不可食會其監捉使臣至所部卒不以請給例自隨富民又請輸錢以資之綱曰本軍之士尙不給何及於監捉乎軍士因而傳言民有獻錢以給乘城兵而知軍卻之眾益怨憤綱又使軍校王德者作城內布陣圖久之不成綱詈曰我不敢斬汝邪因召劊子執劒立庭下眾益駭會有八粟得官者駱子中刺謁綱綱語子中毋拜軍士誤聽以爲子中獻緡錢而綱復拒不取時方給食員僚邵興叱眾起曰汝輩勿食眾遂投餅餌於庭中綱怒命執數人械繫於獄興懼翌日戊戌興率眾盜庫兵欲殺綱綱踰城逃載其家小舟沿漢而下官吏亦皆逃去興等遂焚掠居民劫其指揮使李美及軍士三百餘人

趣蜀道李美老不能行自縊死綱億長子也

詔後苑

造作所自今御戴花毋得以金鏤之

辛丑賜傳法院寺務司錢歲五百千

壬寅以玉清昭應宮田二十二頃賜國子監

癸卯以權發遣度支判官虞部員外郎杜杞為京西轉

運按察使兼體量安撫執政言其才可使督治盜賊也

甲辰徙通判鎮戎軍太常博士范祥知汝州仍賜五品

服初西賊圍本軍而祥拒守有勞於是獎之祥三水人

也祥本傳云康定初通判鎮戎軍知軍高繼嵩死趙元昊圍城甚急祥帥厲將士拒退之奏築劉璠堡之定

用寨寨慰知慶州與傳不同又此時元昊已乞鎮戎倅移汝

守未寨知慶州與傳不同又此時元昊已乞鎮戎倅移汝

寇鎮戎決是康定初事矣及據祥子育作祥行狀載守

鎮戎事甚備亦云康定初然康定初事及今乃行賞則

所未曉行狀稱通判慶州以張海寇京西尋擢知汝州

與本傳不同或祥通判慶州未赴遂改知汝州也今但

從實錄

諫官歐陽修言臣伏聞范仲淹富弼等自被手

詔之後已有條陳事件必須裁擇施行臣聞自古帝王
致治須得同心協力之人相與維持謂之千載一遇今
仲淹等遇陛下聖明可謂難逢之會陛下有仲淹等亦
可謂難得之臣陛下既已傾心待之仲淹等亦各盡心
思報上下如此臣謂事無不濟但顧行之如何爾況仲
淹弼是陛下特出聖意自選之人初用之時天下已皆
相賀然猶竊謂陛下既能選之未知如何用之及見近
日特開天章從容訪問親寫手詔督責丁寧然後中外
喧然既驚且喜此二盛事固已朝報京師暮傳四海皆
謂日來未曾如此責任大臣天下之人延首拭目以看
陛下用此二人果有何能此二臣所報陛下欲作何事

是陛下得失在此一舉生民休戚繫此一時以此而言則仲淹等不可不盡心展效陛下不宜不力主張而行使上不玷知人之明下不失四海之望臣非不知陛下專心銳志不自懈怠而中外大臣憂國同心必不相忌然臣所慮者仲淹等所言必須先絕僥倖因循姑息之事方能救今世之積弊如此等事皆外招小人之怨怒不免浮議之紛紜而姦邪未去之人須時有讒沮若稍聽之則事不成矣臣謂當此事初尤須上下協力凡小人怨怒仲淹等自以身當浮議姦讒陛下亦須力拒待其久而漸定自可日見成功伏望聖慈留意終始成之則社稷之福天下之幸也

張昞之等被選爲轉運按察使卽擇官長此月十二日丙午事內最得先行者歐陽修此疏不得其時今附見

丙午鹽鐵副使工部郎中張鼎之爲天章閣待制河北
都轉運按察使兵部員外郎王素爲天章閣待制淮南
都轉運按察使鹽鐵判官兵部員外郎沈邈爲直史館
京東轉運按察使用富弼范仲淹等之言也先是范仲
淹弼等言古者內置公卿士大夫助天子司察天下之
政外置岳牧刺史方伯觀察使採訪使統領諸侯守宰
以分理之內外皆得人未有天下不大治者也今轉運
按察使古之岳牧方伯刺史觀察使採訪使之職也知
州知縣古者諸侯守宰之任也內外官雖多然與陛下
共理天下者惟守宰最要爾比年以來不加選擇非才
貪濁老懦者一切以例除之以一縣觀一州一州觀一
路一路觀天下則率皆如此其間縱有良吏百無一二

是使天下賦稅不得均獄訟不得平水旱不得救盜賊
不得除民既無所告訴必生愁怨而不思叛者未之有
也民既怨叛姦雄起而收攬之則天下必將危矣今民
方怨而未甚叛去宜急救之救之之術莫若守宰得人
欲守宰得人請詔二府通選轉運使如不足許權擢知
州人既得人卽委逐路自擇知州不任事者奏罷之令
權擢通判人既已得人卽委逐州自擇知縣縣令不任
事者奏罷之令權擢幕職如是行之必舉皆得人凡權
入者必俟政人稱職而後已仍令久其官守勿復數易
其異政者宜就與升擢之若然官修政舉則天下自無
事矣朝廷唯總其大綱而振舉之可也上旣納其言於
是品之等首被茲選素入辭上謂曰卿今便去諫院事

有未言者可盡言之

此仲淹等所上十事其四曰擇官長也已具九月丁卯今復著之凡

十事皆準如此不可知則闕

太常博士祕閣校理孫甫爲右正言

諫院供職

賜荆湖襄鄧等州捕賊軍士緡錢徒知

德州右贊善大夫李肅之提點夔州路刑獄肅之迪從

子前通判澶州以建議修城擢知德州時施黔蠻田忠

霸寇邊故選肅之至部徑趨邊砦諭以威信眾讐服詔

嘉獎

此據肅之本傳田忠霸事又見四年十一月彭乘修注時當考

丁未以右正言集賢校理余靖爲契丹國母正旦使代

張昱之也

詔天下稅籍有僞書逃徙或因推割用倖

走移若請占公田而不輸稅如此之類縣令佐能究其

弊以增賦入者議賞

初洺州肥鄉縣田賦不平久莫

能治轉運使楊偕患之大理寺丞郭諮曰是無難者得

一往可立決也偕卽以諮攝令并遣祕書丞孫琳與其
事諮等用千步方田法四出量括得其數除無地之租
者四百家正無租之地者百家收逋賦八十萬流民乃
復及王素爲諫官建議均天下田賦歐陽修卽言諮與
琳方田法簡而易行願召二人者三司亦以爲然且請
於毫壽汝蔡四州擇尤不均者均之於是遣諮與琳先
往蔡州首括上蔡一縣得田二萬六千九百三十餘頃
均其賦於民旣而諮言州縣多逃田未可盡括朝廷亦
重勞人遂罷琳其城人也記聞以爲執政不然其議沮
罷之諮本傳以爲遭母喪去
今從食又詔有盜殺掠人其捕盜官吏並當日具所
掠人數申本屬州軍逐州軍亦限當日上奏如敢隱落
若輒稽違者並以違制論

戊申詔中書樞密院同選諸路提點刑獄官殿中丞知
岳州楊略提點荆湖南路刑獄時方攻討蠻獠命略督
之略重勦曾孫也

庚戌徙河北都轉運按察使施昌言爲河東都轉運按
察使昌言至河東或請於麟府立十二寨以拓境又詔
昌言與明鎬張亢度可否昌言獨以麟府在河外於國
家無毫毛入而至今饋守者徒以畏蹙國之虛名今不
當又事無利之寨以重困財力從之

張亢增置堡寨事
當考四年六月以

事後

辛亥環州軍事判官姚嗣宗爲著作郎陝西四路部署
司勾當公事初范仲淹薦嗣宗文章可備館閣其才乃
不獲騁乞就遷其官令佐陝西帥府詔從琦請增置

鄧州幕職官一員初本州言舊幕職官四員後省其二頗見廢事故復增置之

癸丑諫官余靖使契丹辭日書所當奏事於笏各以一字為記凡數十字上顧見之指其字令一一條奏日幾戾乃罷

甲寅復置諸路轉運判官仍詔中書樞密院同選用天聖

七年初置益梓廣東西運判其後缺不除故此云復置天聖後缺不除當考二府同選其日辛酉今并書

乙卯詔修兵書翰林學士承旨丁度提舉集賢校理曾

公亮朱宋為檢閱官朱宋九月丙寅以佐著作直講為集賢校理尋卒范仲淹集有奏狀

乞錄其弟

丁巳史館修撰王質集賢校理天章閣侍講曾公亮同詳定編敕

己未范仲淹言臣竊見京朝官使臣選人等進狀或理會勞績或訴雪過犯或陳乞差遣其事理分明可行可罷者則朝廷便有指揮內有中書樞密院未見根原文字及恐審官三班院流內銓別有條例難便與奪者多批送逐司其逐司爲見批送文字別無與奪便不施行號爲送煞以此官員使臣三五度進狀不能結絕轉成住滯臣欲特降聖旨今後京朝官使臣選人等進狀理會勞績訴雪過犯陳乞差遣朝廷未有與奪指揮只批送審官三班院流內銓者仰逐司主判子細看詳如內有合施行者卽與勘會具條例情理定奪進呈送中書樞密院再行相度別取進止如不可施行卽仰逐司告諭本人知委所貴逐司主判各揚其職事無漏落亦免